

U 8559 AAB

U 8559 AAB

MAHATHIR - KOMPUTER

(1)

1985

KUALA LUMPUR, 7 JUN (BERNAMA) -- PERDANA MENTERI DATUK SERI DR. MAHATHIR MOHAMAD HARI INI MENYIFATKAN MAIKRO-KOMPUTER CIPTAAN NEGERI THAI UNTUK MENGAJAR DAN MEMBACA KITAB SUCI AL-QURAN SEBAGAI SAMA DENGAN PERMULAAN PENGGUNAAN JENTERA PENCETAK YANG MEMBOLEHKAN AL-QURAN TERSEBAR DENGAN LUASNYA DI SELURUH DUNIA.

MODULA PENDIDIKAN SISTEM MAIKRO DIMAJUKAN SETELAH PARA JURUTERA YAYASAN SOSIAL DAN KEMAJUAN EKONOMI ISLAM NEGERI THAI MENJALANKAN PENYELIDIKAN SELAMA TIGA TAHUN.

SATU SET MODULA ITU DISAMPAIKAN KEPADA PERDANA MENTERI OLEH Pengerusi Yayasan itu, HAJAH ZUBAIDAH SANGDAO SIAMWALA DI PEJABATNYA DI SINI.

DATUK SERI DR. MAHATHIR BERKATA KOMPUTER ITU AKAN MENJADI SATU ALAT YANG BERTAMBAH BERTAMBAH BAGI MENYEBARKAN SYIAR ISLAM.

+ALAT YANG DIMAJUKAN OLEH SAUDARA-SAUDARA ISLAM KITA DI NEGERI THAI ITU ADALAH SESUAI DENGAN KEADAAN MASA KINI TERUTAMA SEKALI APABILA WUJUD KEKECEWAAN DALAM USASHA-USAHA KITA UNTUK MENGEMBANGKAN ISLAM DI SELURUH DUNIA,+ KATANYA. -- LAGI

1273MST 07 06 85

D648

U 8568 AAB

MAHATHIR - KOMPUTER 2 KUALA LUMPUR

+KEGUNAAN KOMPUTER ADALAH SAMA SEPERTI KALI PERTAMA JENTERA PENCETAK DIGUNAKAN BAGI MENINGKATKAN PENYEBARAN KITAB SUCI AL-QURAN DI KALANGAN UMAT ISLAM DI SELURUH DUNIA,+ KATANYA.

DATUK SERI DR. MAHATHIR BERKATA JENTERA PENCETAK YANG DIGUNAKAN ITU TELAH MEMBOLEHKAN LEBIH RAMAI UMAT ISLAM MEMBACA QURAN DAN PENGGUNAAN KOMPUTER PADA MASA DEPAN AKAN MEMBOLEHKAN ISLAM TERSEBAR DENGAN LEBIH LUAS LAGI.

BAGAIMANAPUN, BELIAU MENGINGATKAN BAHAWA KOMPUTER, SAMA JUGA SEPERTI JENTERA PENCETAK BOLEH DISALAHGUNAKAN SEKIRANYA TERLEPAS KE TANGAN ORANG-ORANG YANG TIDAK BERTANGGUNGJAWAB DAN KALAU INI BERLAKU IA AKAN MERUGIKAN ISLAM.

PERDANA MENTERI BERKATA SILAPNYA BUKAN TERLETAK PADA ALAT ITU TETAPI PADA MEREKA YANG MENYALAHGUNAKANNYA UNTUK KEPENTINGAN DIRI.

DATUK SERI DR MAHATHIR BERIKRAR MENGENAI SOKONGAN DAN BANTUAN MALAYSIA BAGI MEMBANTU YAYASAN ITU SEBERAPA YANG TERMAMPU UNTUK MEMAJUKAN PENGGUNAAN KOMPUTER ITU.

BELIAU BERKATA MALAYSIA AKAN MENELITI PERMINTAAN YASASAN ITU SEKIRANYA MEREKA PERLU MEMAJUKAN KOMPUTER ITU BERSAMA INSTITUSI-INSTITUSI ISLAM DI NEGARA INI.-- LAGI

1258MST 07 06 85

0659

R B574 AAB  
MAHATHIR - KOMPUTER 3 KUALA LUMPUR  
(I)

PENGARAH PENYELIDIKAN DAN KEMAJUAN PROJEK KAJIAN AL-QURAN, ENCIK HAMID THITTI SIAMWALLA BERKATA, YAYASAN ITU BERHARAP DAPAT MENGGUNAKAN BANTUAN DAN BIMBINGAN UNIVERSITI ISLAM ANTARABANGSA DI SINI UNTUK MENGADAKAN SATU KURIKULUM YANG SERAGAM MENGENAI PENGAJIAN ISLAM.

KUMPULAN PENYELIDIK YAYASAN ITU KINI BERUSAHA MENCIPTA MODEL KOMPUTER YANG LEBIH BAIK DAN BELIAU BERHARAP MODEL-MODEL ITU DAPAT DIJADIKAN SEBAGAI PUSAT KERJA PARA PELAJAR DAN CENDIKIAWAN ISLAM.

ENCIK HAMID BERKATA, DENGAN PENGGUNAAN MODEL-MODEL BARU ITU, UMAT ISLAM DAPAT BERHUBUNG DAN BERTUKAR-TUKAR PANDANGAN ANTARA SATU SAMA LAIN DI SAMPING MEMPEROLEHI MAKLUMAT YANG TERSIMPAN DI PUSAT-PUSAT ISLAM SELURUH DUNIA.

BELIAU BERKATA, YAYASAN ITU JUGA SEDANG MENGUSAHAKAN ALAT ATAU SISTEM PANDANG DENGAR YANG BOLEH MENGELUARKAN SEBUTAN AYAT-AYAT SUCI AL-QURAN DENGAN TEPAT SEPERTI YANG TERPAPAR PADA KOMPUTER.

ENCIK HAMID YAKIN DENGAN TERCIPTANYA KOMPUTER ITU, ZAMAN KEGEMILANGAN ISLAM AKAN DAPAT DIWUJUDKAN SEMULA DI MASA AKAN DATANG.  
-- LAGI.

1327MST 07 06 85

R B576 AAB  
MAHATHIR - KOMPUTER 4 KUALA LUMPUR  
(I)

BELIAU BERKATA, HARGA KOMPUTER YANG DITAWARKAN KEPADA PERTUBUHAN-PERTUBUHAN ISLAM ADALAH DALAM LINGKUNGAN US\$3,500 (M\$8,750), LEBIH MURAH DARIPADA JENIS KOMPUTER ANTARABANGSA YANG SERUPA YANG HARGANYA KIRA-KIRA US\$10,000 (M\$25,000).

YANG TURUT HADIR DI UPACARA PENYAMPAIAN KOMPUTER ITU IALAH SETIAUSAHA YAYASAN ITU, PUAN JAMILAH ACHARA NA SONGKLA, TIMBALAN MENTERI DI JABATAN PERDANA MENTERI, PROF. DATUK DR. YUSOF NOOR DAN KETUA PENGARAH PUSAT ISLAM, JABATAN PERDANA MENTERI, PROFESOR MADYA, PROF. DR. ABDUL HAMID OTHMAN.

PETANG INI, YAYASAN ITU AKAN JUGA MENYAMPAIKAN KOMPUTER KEPADA PUSAT ISLAM DAN MENGADAKAN DEMONSTRASI PENGGUNAAN KOMPUTER KEPADA BANK ISLAM MALAYSIA.-- BERNAMA.

1340MST 07 06 85